

Ր. Բ. ՊԻՈՏՐՈՎՍԿԻ

1990 թ. հոկտեմբերի 15-ին, երկարատև հիվանդությունից հետո վախճանվեց ԽՍՀՄ և Հայաստանի ԳԱ ակադեմիկոս, ԽՍՀՄ ԳԱ նախագահության անդամ, սոցիալիստական աշխատանքի հերոս, ՌԽՖՍՀ կուլտուրայի և ՀԽՍՀ գիտության վաստակավոր գործիչ, ԽՍՀՄ պետական մրցանակի դափնեկիր, պետական էրմիտաժի ղերեկտոր Բորիս Բսրիսի Պիոտրովսկին։



Ր. Բ. Պիոտրովսկին ծնվել է 1908 թ. փետրվարի 14-ին, Պետերբուրգում, մտավորականի ընտանիքում։ Միջնակարգ դպրոցն ավարտելուց հետո՝ 1925 թ., ընդունվում է Լենինգրադի պետական համալսարանի և 1930 թ. ավարտում է նրա պատմա-լեզվագիտական ֆակուլտետը։ 1930 թ., դեռևս համալսարանը լավարտած Ր. Բ. Պիոտրովսկին աշխատանքի է ընդունվում նյութական մշակույթի պատմության պետական ակադեմիայում, իսկ 1931 թ.՝ պետական էրմիտաժում։ 1930 թ. և հաջորդ տարիներին նա էրմիտաժի աշխատակիցներ Լևոն Գյուլալյանի և Անտոն Հաչյանի հետ գործուղվում է Հայաստան և ուսումնասիրում է Սևանի ու Արագածի կրկնալսյան ամրոցները։ 1939 թ. սկսվում են Հրազդանի ափին գտնվող Թեյշեբախի (Կարմիր բլուր) քաղաքի պեղումները ԽՍՀՄ ԳԱ Հայկական մասնաճյուղի հնությունների պաշտպանության կոմիտեի և պետական էրմիտաժի համատեղ ուժերով՝ Բորիս Պիոտրովսկու, Կարո Ղաֆազարյանի և Սմբատ Տեր-Ավետիսյանի ղեկավարությամբ։ Կարմիր բլուրի պեղումները, որոշ ընդհատումներով (կապված Հայրենական պատերազմի հետ), շարունակվեցին մինչև 1967 թ.։ Թեյշեբախի պեղումներով, որոնք հետպատերազմյան տարիներին ղեկավարում էր Ր. Բ. Պիոտրովսկին, պարզաբանվեցին Հայաստանի պատմության և նյութական մշակույթի հետ կապված շատ հարցեր։

Կարմիր բլուրի առաջին շրջանի պեղումներին արդյունքներն ամփոփվեցին ՀԽՍՀ ԳԱ հրատարակությամբ լույս տեսած երեք պրակներով՝ 1950, 1952 և 1956 թվականներին։ Լենինգրադում լույս տեսավ «Կարմիր բլուր» պոեմը, որտեղ շքեղ լուսանկարների միջոցով ներկայացված են Թեյշեբախի հայտնաբերված ամենաբարձրարվեստ իրերը։

Պատերազմի առաջին տարիները Բորիս Պիոտրովսկին անցկացրեց պաշարված Լենինգրադում։ Հովսեփ Օրբելու գլխավորությամբ նա գործում մասնակցություն ունեցավ էրմիտաժի արվեստի ու մշակույթի գանձերի փրկման աշխատանքներում։ Երբ էրմիտաժի նյութերը ուղարկ-

վեցին թիկունք, նա Հովսեփ Օրբելու և մի քանի այլ աշխատակիցների հետ տեղափոխվեց Կրեան, Այստեղ նա ավարտեց իր հայտնի «Ուրարտուի պատմությունն ու մշակույթը» մենագրությունը, որը 1944 թ. պաշտպանեց որպես դոկտորական դիսերտացիա: Նույն գրքի համար՝ 1946 թ. նրան շնորհվեց ԽՍՀՄ պետական մրցանակ: Նոր նյութերով հարստացված ու վերաշարադրված այս գիրքը 1959 թ. վերահրատարակվեց՝ «Վանի թագավորությունը» խորագրով: Փաստորեն այս գրքի շարունակությունն է կազմում Բ. Բ. Պիոտրովսկու հաջորդ մենագրությունը՝ «Ուրարտուի արվեստը»: Բ. Բ. Պիոտրովսկու աշխատությունները մեծ նշանակություն ունեն ինչպես Հին Արևելքի, այնպես էլ Հայաստանի պատմության ու մշակույթի ուսումնասիրության համար:

1960-ական թթ. սկզբին Բ. Բ. Պիոտրովսկին ընդգրկվում է եգիպտական հուշարձանների փրկման աշխատանքներում (Ասուանի շրամբարի կառուցման կապակցությամբ) և 1961—1963 թթ. ղեկավարում է խորհրդային հնագիտական արշավախմբի գործունեությունը Նեղոսի հովտում: Այդ աշխատանքների արդյունքներն լամփոփվեցին «Հին Նուրիա» գրքում:

Գիտական աշխատանքին դուգահեռ Բ. Բ. Պիոտրովսկին զբաղվել է և գիտակազմակերպչական գործունեությամբ. երկար տարիներ եղել է պետական էրմիտաժի դիրեկտորի գիտական գծով տեղակալ, ԽՍՀՄ ԳԱ հնագիտության ինստիտուտի Լենինգրադյան բաժանմունքի վարիչ, Լենինգրադի պետական համալսարանի Հին Արևելքի պատմության և բանասիրության ամբիոնի վարիչ: 1964 թ. սկսած, անընդսեղ, նա էրմիտաժի դիրեկտորն էր: Բոլոր Պիոտրովսկու ղեկավարությամբ էրմիտաժը նոր հաջողություններ ունեցավ գիտական և կուլտուր-լուսավորական աշխատանքների բնագավառում: Այս նույն տարիներին էրմիտաժը դարձավ արտասահմանյան երկրների հետ մշակութային կապերի խոշորագույն կենտրոն: Մեծ է եղել Պիոտրովսկու շնորհ գիտական կադրերի՝ հնագետ-մասնագետների պատրաստման բնագավառում, առավելապես Հայաստանի համար: Կարմիր բլուրի հնագիտական դպրոցը անցած կամ Բ. Բ. Պիոտրովսկու ասպիրանտները եղած շատ մասնագետներ աշխատում են այժմ հանրապետության, գիտական ու մանկավարժական տարբեր հաստատություններում:

Բոլոր Պիոտրովսկու, այդ լուսավոր մարդու մահը մեծ կորուստ է գիտության համար: